

(fol. 66 b) Item dit is een oratie diemen lest ouer een bloem en̄ heet dens leonis dairmen alle warachtige dinghe toecomende ende verleden warachtelike bi weten mach en̄ beghint aldus. God gruet v. heilige blome minre vrouwen sinte marien crūūt vele goede ghi weet wel wat v min vrouwe sinte marie beual doe si v in aertrike liet dat men alle warachtige dinghe an v mercken mohte, ic vermane v bi den heylighen daghe ende by der heyligher nacht en̄ bider heyligher goeds craft (!) en̄ biden vier ewangelisten en̄ bider heyligher maecht sinte mariē of dese dinc N ghescien sal dat ghi v besoect en̄ flūūt (!) wel vaste tuschen hier en̄ morgē noene en̄ of dese dinc N niet ghescien en sel dat ghi groyt en̄ bloyt wel scoen tuschen hier en̄ morgē noene des vermaen ic v p prēm et filiū et p spm̄ scm̄. amen.

(Cheltenham, Bibl. Phill. 2946, 15. Jh.)